







HARVARD-YENCHING LIBRARY
HARVARD UNIVERSITY
2 DIVINITY AVENUE

Loan from Courtway Lib

OCT 31 1999

五局故哉屈教前書不為不多吐心露膽不為
不悉豈多岐而亡羊耶抑其術猶有未臻者耶
嗟嗟書不盡言言不盡意明者當心得之已古
謂用藥如用兵岳武穆云陣而後戰兵法之常
運用之妙存乎一心書安能使人人必克勝哉
矧今之業專門者以痘為秘術為禁方固不道
其道心其心各師其見各顯其法而不思融洽
藥理以契所歸故乃宗張喙李是甲非乙殆派
紛而不會其源曷能齊其治哉余燭斯弊每為



痛心故節錄各家成法參以鄙意會而全之名
曰痘疹心印度好生君子得以窺其竅妙云爾

原痘

萬菊軒曰上古之時未聞瘡痘之瘡素難之文鮮
有及者豈其人淳龐朴野積精全神虛和苛毒
莫之能害歟或云自建武擊虜遂染其毒流布
中國謂之虜瘡或曰聖瘡言其變化莫測也或
曰天瘡言為天行疫癘也或曰百歲瘡言人自
少至老必作一番也或曰碗蓋瘡言其形之相

似也故患此者如蛇蛻皮如龍蛻骨死生存於
呼吸之間夫上古所無而季世有之抑時世異
耶抑人將失之耶余思其繇天地之氣春夏生
養之紀也其物熙熙秋冬殺戮之紀也其物黜
黜時逮末世已非泰和之景不可謂非時世之
異然人日習偽不知持滿御神之道七損八益
之數務快其心以散其真不可謂非人自失之
也有論穢毒者有論淫火者有論時行正病者
靡有定論將謂穢毒淫火耶則一歲之中大而

郡縣小而村落病者相似而死相繼未必人人
若此之甚也將謂時行正病耶何以自少至老
但作一次厥後再無傳染也蓋父母於子一躰
而分精血之毒已畜於陽施陰化之始固不待
誕生之頃噉其血而後有是毒也况男子惜其
氣以養其精女子調其氣以養其血苟失所養
即貽他日之患子之受於父母者雖殊其為毒
則一也豈有男子淫火 於氣為陽毒而易治
女子淫火起於血為陰 而難治之理耶至於

天行正病亦有其時但觀夫年之所加及有四
時不正之氣即知有是正病也然則待時而發
者胎毒也或速而危或徐而持或暴而死者氣
之微甚所使也發則其毒洩矣所以終身但作
一度後有其氣不復傳染焉

孫季子朋來曰淫火即胎毒也天行即疫癘致痘
之由端不外是二者蓋淫火肇於有生之初伏
而不發必俟天行煨煉一番然後洩之雖百歲
不免焉殆亦有生之後一劫也設非淫火胎毒

安得一生只發一次哉。矧人之出疹出痘正如
蚕之蛻殼一眠二眠三眠也。若謂純是胎毒不
假天行何臨作之年郡縣村鎮沿鄉接境莫不
皆然。即卵生如雞鴨胎生若猪犬且皆不免。又
槩可見。至於生者死者實由所感天行之輕重
非干所稟之厚薄也。觀今之童稚躰盛神壯宜
其稟氣之厚亦多死者形羸色瘁豈非所稟之
薄且多生者迹此驗之。死生輕重乃臨時所感
天行之輕重也。為父母者慎加保惜以膺天和
不可純委於命而尤天也。特筆此以告。

萬菊軒曰昔人謂在胞中饑則食母之血渴則飲
母之血余獨謂其不然。蓋兒始受氣之時一月
胚二月胎不過一點精血凝結中涵生意也。至
三月以後其形漸成在胞之中譬諸禽鳥之雛
在卵殼中渾渾然薰蒸滋養惟所受太和之氣
漸自生長日月既足乃破其胎卵而出矣。何以
能飲食耶。必謂有所飲食則胚胎之初形象未
具何飲何食耶。且血者渣滓之物有入必有出

十月之前所飲所食之血又從何道出耶若生
下口含惡血乃母胎蓐之時血穢流溢入兒口
中未必便是先在腹中所食之血也但云兒在
胞中滋養形躰長育變化培植根蒂者則在母
之血液也

或有問曰兒在胞中饑則食母之血渴則飲母之
血萬菊軒以為必無此事驗今之初產之孩口
有穢血少頃就有黑糞從便而下是其徵也安
可遽謂必無之耶孫季子朋來對曰以物理格

結靨所謂冲和者即胃中坤元之氣人賴之以
養臟府而灌溉周身者也近觀西吳治痘罔用
頭着工夫動輒便以鰕魚桑虫雞冠血虺蛇等
毒物謂之醇痘習俗為常不思痘本火毒二因
宜發但當先門路未清小毒蘊成大毒茲又以
毒攻毒不啻火熾添油則脾胃冲和若燎毛矣
故毒發之後痘粒粗大膿何得滿或潰而爛或
噦而嘔或發癢毒或成外剝或致泄瀉種之
禍變難悉舉豈知門路踈通則痘縱不起發不

過補助氣血而或以大成散佐之自能行漿灌
膿蓋痘粒小則漿易滿亦無變症是曲突徙薪
之法也舍此不為而徼彼焦頭爛額之功殆亦
危矣戒之戒之

戒用天靈蓋

生生子曰醫本仁術夫仁者無大無小無貴無賤
無見無隱無處不然故啟蟄不殺方長不折皆
所以體天地而愛物存仁也醫之治痘逆者不
治險者宜治前人方法林林種種何莫非藥何

物非劑何適非宜故乃取人之骸骨而煨煉之
嗟嗟其忍心亦劇矣乎不思痘之無膿者由氣
虛而血不充也補氣以氣補血以味合取其氣
味之純厚者以補之則得矣如人乳紫河車鹿
角膠之類皆氣純味厚者庶可以補氣血而資
精神彼遺久死骸迨氣血竭絕枯朽之物猶稿
木死灰已且不能延生而又能資他人乎此必
無之理也且痘古稱天花貴清潔而厭腥臭其
不可用一也膿少由於血虛喜潤而惡燥茲犯

煅煉枯燥其不可用二也况律有禁條以無可
取効之物而戕人之遺軀犯律之禁傷天之和
噫操殺術也焉得仁

或曰有用之而瘧立發者何謂也生生子對曰
余非謂此物不能發特慨其發之後燥毒交扇
烈若燎原正如灯庖油盡而又益之以灯心立
見焦枯良可悼夫

腎無瘧辯

生生子曰諸書皆言四臟俱有瘧獨腎無瘧故發
之似無此事也見之胞胎在腹猶瓜菓然瓜菓
賴藤樹滋灌汁從蒂入日漸肥大成熟見在胞
胎混沌沌惛然無知焉有饑餓蓋藉母之漚
從胞蒂而灌入脐中十月充足胞分而出口中
之穢間或有之實分娩時胞中之餘穢惡露也
大便黑糞如瓜菓中之汁水耳此必有之物殆
平時灌滲積於其中出懷之後各自立極陽升
陰降陽升者啼声上出也陰降者大便下行也
此必然之勢亦必然之理也出懷之後始有出

有入在腹胞中安有出入之徑實者乎格物者
自能辯之母致疑也

痘不宜毒物醇發

生生子曰痘本火毒尤因天行故發熱之初者其
熱盛便知毒重即宜解散使表裏踈通俾熱毒
有門路出也全在頭着工夫胡大卿曰小熱宜
解毒大熱宜利小便觀此可見前人慎重之意
不輕易用大寒大毒之劑動其大便恐傷沖和
壞脾胃也緣痘全藉脾胃尤賴沖和始能灌漿

熱之初單顯四臟之症驗耳之冷則知腎無痘

也余謂此皆臆度之言非見道之語也緣痘稟

於有生之初父母之淫火伏于子之命門為天
行癘氣感觸而發觀銅人圖命門穴在兩腎俞
之中與臍相對秦越人謂兩腎中間動氣者五
臟六腑之本十二經脉之根呼吸之門三焦之
原臟府從此而生故人之所以得死者賴此
動氣以為生生不息之根有是動則生無是動
則呼吸絕而物化矣夫以耳之冷熱驗痘出之

輕重則可。若以耳之冷而遽謂腎之無痘，則不可。腎既曰無痘，何前人又有變黑歸腎之說？由其有出斯有歸也。詳古人用四牙散一方，亦可見矣。蓋牙者骨之餘，腎之標，是亦以腎補腎之意。惟腎之元氣充足，則其痘始能盡出。且又能制伏其火，而使其氣血相依，故化膿結痂而愈也。腎虛則不能化漿，而使之盡出，結痂則色變黑，馴至焦枯而告殂矣。故曰歸腎者，猶言痘本出於腎，而仍還於腎也。是為辯。

首尾不可汗下辯

萬菊軒曰：今之治痘者，悉云首尾不可汗下。听者和之曰：痘宜溫補，汗下不可也。此亦喜補惡攻之遺弊。殊不知治痘之法，莫要於解毒或攻或補，務使毒氣得解而已。如其氣血和暢，營衛流通，表裏無邪，其出則盡，其發則透，其收則時，非但不可汗下，雖溫補亦不可用也。設使外感風寒，約束皮膚，腠理痘出不快，此當汗之。令陰陽和營衛通，而痘易出，毒得解散可也。苟不汗之。

則毒無從得出留伏于內未免閉門留寇之禍
矣如大熱不退煩渴轉增譫妄昏沉便溺阻塞
此毒留于腸胃之間與穀氣併宜急下之使臟
府踈通陳莖滌去可也苟不下之則歲淫畜毒
煎熬于中寧無養虎遺患之悔乎故大要曰謹
守病機各司其屬有者求之無者求之必先五
勝踈其血氣令其條達而致和平此之謂也

審証

孫季子朋來曰治痘先須審証痘固胎毒必假天

行令氣或內傷飲食激而發也發熱之初預當
明其輕重蓋熱輕毒輕熱重毒重也設熱既重
便宜察其表裏外感內傷內傷為裏夫痘全藉
脾土以為依歸脾為倉廩五臟皆仰給於脾外
主肌肉行漿灌膿結痂皆在肌肉脾既受傷則
內熱蘊悶或腹疼嘔惡急宜消之重者下之使
裏無壅遏則熱自退神自清也內傷不急治六
七日後痘既外出腹中虛矣內傷之物因而瀉
痢則不能灌膿而成內陷外感風邪即宜清解

若頭項痛腰脊強便知為太陽經表症若鼻乾
不得眠口渴便知為陽明經太陽以防風羌活
寒月麻黃桂枝陽明升麻葛根之類古人云必
使一晝一夜汗出熱退為佳蓋腠理疎通則痘
易出易壯遲則熱燒地盤腠理緻密熱無從出
出必稠密或蘊成癰由解散不清縱然發出日
後灌漿必咳嗽聲啞嗆喉外剝可不謹之於始
哉觀乎古人呼為痘瘡以其形圓而肖痘也豈
喜土鬆滋潤則易出易成熟初出最嫌土燥成
熱尤怕濕淫燥則難出濕則潰爛故治痘亦如
之若熱盛毒重神昏足冷者即於前解散內消
之中大加解毒故曰六日以前解毒為主六日
以後補托為主過六日則大事已定救無及矣
是以貴在審証勿失時也 右審症

總驗部位

內經曰諸瘡皆屬心火心之華在面痘瘡之候但
以面之部位占之思過半矣痘本火毒火性上
炎諸陽皆上聚於面吉凶善惡尤易見也額屬

心火如印堂以上髮際以下橫兩日月角部位
先見紅點先作漿先結痂者此惡候也蓋心為
君主毒發於心故先見於其位君危則十二官
皆危死殆速矣左臉屬肝木右臉屬肺金如兩
臉先見紅點磊落者吉如相聚作塊其肉腫硬
者死蓋肝藏魂肺藏魄生意既絕魂魄相離故
不治也頰屬腎承漿橫抵兩頤先見紅點先發
先痂者吉此位雖屬腎然三陰三陽之脉皆聚
於此陰陽和故無虞也鼻雖為肺竅而準頭則

屬脾土若準頭先出先痂者凶蓋四臟皆稟
於脾毒發於脾則四臟皆失所資殆土敗則四
臟皆相隨而敗故延綿日久而後斃也腎之竅
在耳又心之用亦在耳心者少陰君火也而少
陽相火之脉行乎耳之前後凡在耳輪前後先
見紅點者凶蓋君相二火互發燔灼之勢難以
撲滅惟口唇四圍先出先起先痂者大吉緣陽
明之脉俠口環唇胃與大腸主之無物不受殆
猶海也乃多血多氣之經故曰大吉也

驗面

發熱之時面色明瑩者吉赤若塗胭脂者凶此邪氣拂鬱於陽明胃與大腸也陽明經上循於面熱盛故赤也宜清涼解毒稍通利之面垢慘黯者凶面垢者少陽候見也邪熱拂於少陽甚則面微壅宜表裏雙解蓋少陽從中治也

驗耳

腎通竅於耳故耳以候腎也腎臟屬北方天一生之水受氣之初先生兩腎如豈子离坭兩

分開之辨也痘疹發熱耳獨涼者瘡疹屬火外邪不干於腎故也如耳熱是邪干於腎毒不發越則反有歸腎之變凡觀痘瘡先看耳後有紅綫者蓋少陽三焦之脉從臙中上出缺盆繫耳後直上出耳角紅者火色也此瘡疹之火發從少陽故色先見於其經也凡痘自耳先出未及成漿耳輪先靨者此漸萌歸腎之勢多凶

驗目

目者心之使也神所寓焉發熱之初觀其兩目神

倦不欬開者痘也目中汪汪若水者疹也諸瘡皆發於心故候見于目也目赤者熱甚也心惡熱急解之經云肝開竅于目瘡疹發熱目連劄者肝有風也風入于目上下左右如風吹不輕不重兒不能任故目連劄也目直視者肝有熱也熱入于目牽其筋筋兩眦俱緊不能轉眦故目直也得心熱則搐者風火相搏也痘疹發搐此其常候但瀉心肝二經之火搐止則吉不止則凶五臟精華皆上注于目痘瘡之毒發于五

臟毒之甚者目必受之故前人註有護眼之法良有深意凡兩眼常出淚者肝熱也此時眼中無痘宜服瀉肝火之藥蓋眼中之毒常在收靨不齊之後方有如痘入目成膚翳者切不可用點藥恐損睛破瞳成廢人矣痘瘡收後目不開者肝熱則目澁不敢開明暗皆然心熱見明則合見暗則開謂之羞明此有餘熱在心肝也如瘡未成膿腫消目開者瘡已過期收靨不齊目閉不開者瘡壞欬變目上竄者心絕也直視不

轉者腎絕也非泣而淚自出者肝絕也微瞑者
氣脫也血貫瞳子者火勝水竭皆死候也

驗鼻

鼻為肺之竅痘疹發熱之初噴嚏者火邪上干於
肺外應於鼻而痒則嚏鼻乾黑燥者火刑於金
金體本燥得火反甚急宜清金瀉火以解其毒
鼻衄者血得熱而妄行故衄出於鼻急以涼血
瀉火以解其毒鼻流清涕者疹也疹發於心心
肺相連以火煉金熱極而反化為水也痘出之

後鼻塞不通者熱也痘已成漿收靨之時鼻塞
不得息者此鼻內有瘡膿涕粘結可用金銀小
簪子以通之如痘未成漿鼻端先乾者凶內經
曰臟真高於肺以行營衛陰陽也邪火刑肺肺
敗不能輸精於皮毛故皮毛焦枯先見於鼻營
衛不行陰陽不續以漸遍身皆乾枯而死矣凡
瘡變壞鼻中血出者鼻孔開張喘急者肺絕之
候皆死証也

驗唇口

所之竅開於口其華在唇四白發熱之初口中和
唇色紅潤者吉如口燥唇裂其毒必甚急解之
痘出稠密唇口痘子相粘諸痘未發此處先已
薰漿諸痘未收此處先已焦黑者凶面痘腫灌
唇上痘裂成塊乾濺者重如痘出太密口中氣
臭者臟府敗壞故臭出於口也痘欬變壞唇上
縮者脾絕也唇下自呷者魚口也口中涎如膠
者脾津竭也皆不可治

驗手足

四肢者諸陽之本痘出欬踈其發欬透其靨欬齊
如應出不出應發不發應收不收此脾胃氣虛
不能旁達四肢也發熱手尋衣領亂捻物者肝
熱也手搯眉目鼻口者肺熱也手足搖擗者心
肝風火相搏也各隨其臟而瀉之足涼者此常
候也足冷手亦冷者脾臟虛也四肢皆稟氣於
胃而不得至經必因於脾乃能至也脾虛不能
為胃行其津液故冷耳宜溫之痘已出手足多
水泡者此肝勝脾衰為鬼賊宜急治之不久便

生痒癩也如遍身皆發手足不透是字殼者此脾胃虛弱津液耗竭營衛凝澁故其毒亦鬱而不發也不能食者死能食者必發癩疽痘勢太甚手足冷者不治痘未成漿手足皮脫者必死痘已正靨惟足不收者足為純陰無陽相濟所以收遲如痘始成漿他處未收手足心先靨者其後必生恠疾也痘靨之後手足關節腫痛者必發癰也痘症手足搔亂者凶

夾班

班者血之餘有色熱而無頭粒隨出隨沒者也丹則成片赤如雲頭而突皆血太過而氣不及營衛失護致血任二焦浮遊之火散漫於皮膚之間耳宜以輕劑散其火邪蕪活血解毒之藥治之並用玄參升麻湯加石膏黃芩荆芥芍藥芎歸或升麻湯加紫草蟬退多磨犀角汁化下烏金丸又或結痂之後而發者餘熱煎熬肉分其斑必爛宜解毒湯加歸芍黃芩石膏甚則大連翹飲爛處以生肌散敷之無不瘳矣至若青黑

紫斑乃毒氣不能發泄之故死生一反掌間耳
急與四順清涼飲利之其班既退即以四君子
湯加黃耆姜朮煎服如不止再加肉果須要預
煎候之俟班退血附即服庶可免其內陷也大
抵班在發熱放標起脹時多用表散在灌膿收
靨時多用解利遍身通紅者治同

發班有二陽毒發班者壯熱渴躁兩目如火脉洪
有力其色紅赤者胃熱也紫黑者胃爛也一則
下之早故熱乘虛入胃一則下之晚故胃熱不

得泄皆內外挾熱而發班也當服玄參升麻白
虎等湯陰疔發班者身無大熱手足指甲俱青
脉沉細而急其色微紅或暗晦此無根失守之
火聚于胃薰于肺傳于皮膚而為班也若妄投
以涼劑則誤矣當與升麻鱉甲湯調中溫胃而
班自退

夾疹 疹即麻也

痘毒出於陰疹毒出於陽陰主血故痘有形而灌
膿結痂陽主氣故疹有色而不膿痂此皆有生

初之淫火伏於命門之間本非尋常並發者惟
痘出之時或天行所激觸動其毒故並出耳以
亦不順之症也故急宜清散先服升麻葛根湯
如不解則犀角地黄湯內既清涼則疹亦隨之
而解矣

錢氏云痘疹只出一樣者善凡痘已見形其間碎
密若瘡子者此夾疹也山火毒薰灼於中故使
疹挾出於外也急宜解毒使疹消散痘得單成
可也宜荆防解毒湯主之若服後而疹不退者

乾枯皆血熱乾滯而氣不能運行一定之理固
如此也治須以涼血清熱為主看其微甚或利
大便或利小便或為解散頂雖平陷不可以氣
虛而例用參芪補劑蓋補氣則熱愈甚而血愈
涸也宜以絲瓜化毒湯加當歸紅花連翹牛旁
更以麻黃解毒湯發散其毒或以紫草湯化下
小靈丹或灯心湯化下大靈丹有黑疔者針挑
破去其毒血兼用扶脾實土之藥古方有燒人
屎者有用四聖散者有用人牙散獨聖散者有

用雞冠血酒漿灌之者有用胡荽酒塗其遍身
并衣服薰之者有用壁間蟻蛛如豈大者研爛
入雄黃每歲一厘同研勻酒調服者有用黃連
犀角清心火者已上皆可擇用如宣風散百祥
丸牛李膏內有大戟等牽牛峻利之藥元氣盛
尚可虧損况痘後之兒尤當慎之

黑陷二種因氣虛而毒不能盡出者酒炒黃耆紫
草人參黑陷甚者亦用燒人屎

白陷灰陷

朋來曰察其乳食少進二便
清利者為寒法從溫補

凶之兆也夾班治同

膚疹者熱毒之氣發越而然也暴出之時點如麻
狀但色鮮赤成片耳用敗毒散毒當隨散越數
日而痘出痘反稀疎

劉宗厚云癰疹多屬脾隱然然在皮膚間而名之
也發則多痒或麻木不仁者是兼疾兼濕之殊
也色紅者兼火化也用解毒防風湯若內傷外
感而發者用調中湯

夾沙

亦麻類粒頭瑣碎吳地呼為沙子
其狀如夏月膚膜之癩子

沙之形如粟一般尖員而硬中含清水夾痘而出者亦熱毒之所發也用四苓散加防風黃芩分利陰陽而痧自退矣

夾疥瘡

痘夾疥瘡而出則血氣為瘡所奪痘多不能起發成漿須連服內托散庶無坐陷之患也

乾枯黑陷紫陷

朋來曰凡黑如烏羽者生以血解毒可愈也黑如焦煤者死無生氣也故不治

痘色初見深紅者必變紫紫必變黑紫黑必至於

透色白者必變為灰慘灰慘者必變為平伏倒塌

以雖氣虛而血不華色血亦虛也故當氣血兼

補使血活氣行則白色可變為紅庶或可救若

單用補氣之藥則氣燥血虛必致發痒抓破灰

慘平伏倒塌為不治之症矣治宜補中益氣湯

合四物湯有內熱者加解毒藥白陷抓破皮薄

乾燥而極痒者皆由失於補血以致氣虛則燥

然也

內潰

心鑑曰內潰者胃爛也蓋因風寒所中腠理固密
陰陽二分壅塞不通其毒內攻而臟腑之間毒
火炮熾則潰而成膿口舌皆白是其驗也識者
於痘未出之時或有風寒阻隔氣粗熱甚身必
戰動肚腹急痛謹防此患以敗毒散或升麻葛
根湯逐散寒邪開泄腠理縱毒外出必無是症

痒塌

痘瘡痒塌今人總歸之氣血虛寒殊不知亦有氣
盛血熱而然者須從形色及他証辯之如痘色

淡白精神虛怯小便利大便頻至夜痒甚者此
脾氣弱而氣血均虛也參芪內托散及四君子
湯加黃芪肉果宮桂白芷蟬退主之甚則陳氏
木香散佐之如瘡色紅紫煩躁大小便不利
渴飲飲湯水甚至抓破血流者以氣虛血熱毒
盛血行氣分血味醎醎螫皮肉而痒也四物湯
加參耆連翹蟬退白芷甘草及三味消毒飲加
紫草連翹主之血流者敗草散蕎麥麵炒黃土
搽之又遍身痒甚抓破者不問前後皆服蟬

花散外以乳香或敗荷葉茵陳燒烟薰之 若
穢氣衝觸作痒抓破者宜服內托散外以辟穢
散薰之然發痒精神清爽自知其悞欲人拊摸
者言若悶亂不寧者搖頭扭項手足舞亂言不
所禁不止者凶也

群玉曰痘疹發痒如能食而大便堅結者此邪氣
內實正氣外虛也加味四聖解毒湯治之外用
升麻蒼朮麻黃槐柳桑皮煎熱拭之 如泄瀉
者以正氣內虛邪氣外實調元托裏治之外用

山茵陳白艾二味為末燃火薰之如用上二法
而痒即止者吉痒不止而反甚者凶也

心書曰痘瘡作痒者火和傳於肌膚之間不能即
出或血方流行而為風寒外束故鬱滯而作痒
與傷寒汗不出而作痒相同法以荆芥穗束之
以紙而刺痒痘之項以散鬱和其痒即止驗之
如神內服消風火化毒湯以解之 以上痒症
痘家之惡候茲錄各家治法驗甚者以備緩急
參用

目睛露白

人之一身必元氣固則精血為之凝聚而瞻視有常也若元氣虛損則衛氣受虧是以督脉縮促致睛上吊而露白也若謂之風則謬矣遇此候別無他証者可以保元湯加陳黃米主之無魂矢志不省人事者不治雖無他証而或見於七日之前則毒尚未解而氣血已離必不可治之症也

声啞

心之氣舉擊於肺而為音肺清則音清肺熱則音啞此必氣喉有痘熱毒閉塞肺竅而然也須分順逆為治如七日之後失音者乃內痘先熟而先靨則咽喉漸寬毒氣漸消声音自亮為順症也若七日之前失音者此毒氣薰蒸失於調解致肺竅不通閉塞管籥毒無從洩內痘糜爛舌齧成坑咽門腐壞馴至呼吸俱廢為不治之症矣或有內本無痘因食辛熱之物或多服熱藥所致者急用甘桔湯射干牛旁湯加玄參連翹

犀角治之或能言声不清者此火乘於肺也瀉
白散加天花粉桔梗石膏片芩茯苓麥冬山梔
治之或感風寒閉塞而声不清者參蘇飲加桑
白皮杏仁石膏主之如法治之而効者吉否則
凶

水噎

喉之竅若管籥然痘之初出細小不竟及肌表之
痘成漿則內痘亦成漿而其毒壅於會厭然是
乃飲食所進之處故飲湯水不易進納則溢入

氣喉而發噎也若穀食有渣自能咽之從食喉
而下非如水溢以犯氣道矣七日後見者不藥
而愈何也外痘靨而內自痊矣若七日前見則
為逆症由熱毒壅塞不能發於肌表故耳治用
甘桔湯合解毒湯加牛子玄參荆芥麥冬若預
以甘桔湯清其氣道安致有此患哉

驚搐

附癲癩

心者神之舍也痘毒本熱氣擊動心神肝不能
制故神不安而發驚搐治宜瀉肝利小便蓋瀉

肝則風去利小便則熱除風熱既退則痘出而驚自愈矣故痘未出而見此症者則升麻湯合消毒飲主之或紫草膏或蟬酥丸不可竟投涼劑蓋心一涼則氣血隨斂毒無從出也痘既見而有此症由熱毒之未解耳四苓散合消毒飲或紫苓湯或導赤散若風火相搏喉中痰鳴目睛上視面赤引飲喜居冷處者紫苓湯或抱龍丸若痘後胃弱飲食不化謂之食蒸發搐必面黃潮熱大便酸臭秘泄不調或吐利腹痛宜紫霜丸下之大便秘者四順飲痘後毒當盡解而又發驚則心氣已絕神無所依必不可治 發癩癩者粉紅丸治之

痘後手足麻木無汗者參附湯若手足難動常出汗者芪附湯 卒然驚仆不省人事者用皂角為末吹入鼻中即甦古謂先痘後驚者不治痘正發而有此症能不為之可悼哉

又痘未出毒氣內逼目上竄驚叫如驚風者乃痘欲出之候也若誤認為驚而治之則毒氣內蓄

八二七卷
三
邪熱不洩而反危矣

煩躁

心經有熱則煩躁蓋痘毒之熱擊動心火脾少津液不能濟之矣所以發為煩躁不寧悶亂狂言等症也治當觀其虛實何如痰實壯熱者梔子仁湯或解毒湯或辰砂益元散二便秘則通利之虛煩而渴者保元湯加麥冬五味或麥門冬湯夏月暑甚煩渴而痘出不快宜辰砂五苓散醫後發熱煩渴麥門冬飲子此症似輕而重苟

服藥而久不愈則心脾二經皆為熱毒所傷矣煩則必渴、則必瀉、則必咬牙寒戰而瘁塌之患立至也慎之慎之

秋傳曰痘瘡以安靜為貴但有煩躁者必毒氣壅併表裏不寧宜審諦之如搔爬不停者痘痒也不寧者裏熱也呻吟者痛也非折肱之妙手安能識其病而起其症哉

發渴

渴者胃中熱也胃中津液為熱所耗故渴而飲水

也始終固有用白虎湯加天花粉乾葛甘草然
有汗加人參或辰砂六一散小水不利者四苓
散氣虛保元湯加麥冬五味至於陰虛火動而
發渴者固為難治之症理辯則謂六味地黃丸
加桂心五味子乃治虛渴之聖藥也不可不知
痘疹心書曰毒氣萃于陽明此時多發熱渴熱淫
于內而外不得宣通故發渴也宜神功散服後
猶渴者宜紅花子一味煎湯飲之如無子即用
紅花湯加牛旁子服之以藥神妙能散胃口之

瘀血故也切不可荔枝黑棗椒姜等湯以助陽
經之熱

噯氣

熱毒鬱於胃中欲發而不得發故噯氣治用半夏
生姜湯加陳皮黃芩或四苓散加陳皮竹茹以
利之

不食

痘瘡始終以脾胃為主若飲食如常者此臟府充
實脾胃完固不消服藥若不喜飲食者必須辯

別而治之如泄瀉痘色灰白而不食者此脾胃
虛而元氣弱也宜四君子湯或人參養胃湯七
珍散治之如大便秘瘡掀腫不食者以毒盛而
血熱也宜四物湯加解毒藥熱甚者加姜炒芩
連便秘者下之萬氏云痘瘡不怕稠密只要能
食

汗多

汗乃心之液由熱氣內蒸腠理開泄故液隨氣而
出也自汗盜汗俱能虛人未漿之時恐不能灌

既灌恐不能靨既靨恐血脫陽虛變為他症最
宜調理自汗宜保元湯加桂枝白芍浮小麥以
斂之有熱加酒芩盜汗宜當歸六黃湯或當歸
湯丹溪曰自汗不妨蓋濕熱薰蒸而然也以特
為汗少出者言耳若汗大出身冷惡寒寧不早
為之治乎此宜異功散救之寒不已者死 汗
綴如珠者死 汗而昏沉者死 汗流煩渴者
死不可不察 諸失血

夫血熱則妄行蓋熱毒之氣滯佚無歸則血亦隨之而走泄也始終用犀角地黃湯加芩連梔子白芍但血之妄行或吐或下或從陽瘡痘毒而出者悉皆不治何謂也吐便者有傷于內也瀉膿血如死肝豈汁者胃爛也從瘡毒而出者肉分空虛而元氣為之走泄也鼻衄者生蓋血隨毒行傳注督脉斬關而出不犯其內故耳至于女人失血不止尤當急治嘗有一男子口鼻出血數碗以韭菜汁半碗頓服而愈

陰囊發腫

痘症陰囊腫痛如瓠瓜者乃膀胱熱甚毒氣流於小腸而然也急宜清利退火滑石木通車前牛膝梔子瞿麥灯心甘草水煎服或紫草飲子小便不利者加木通外以石燕子醋磨濃汁敷之

痘後浮腫

痘靨之後失於調理或傷飲食或感風濕致傷脾土濕勝而為腫也傷於食以健脾加山查麥芽平胃之類虛者加人參俱以淡滲之劑佐之傷

風濕者平胃散加防風羌活汗之水腫者以五
皮飲消之一方用蘿蔔子殼蒲蘆煎湯洗之立
消又法柏樹葉桑樹葉煎湯洗亦消

驗動靜

凡痘以靜為貴內有不和則動凡靜屬陰而動屬
陽痘之為症陰陽俱病但息欬其勻語欬其少
寐欬其安寤欬其寧觸其瘡則吟拂其欬則鳴
飲食二便如時此平人之候是謂靜而吉也如
呻者身有苦也自語者神不清也喘粗者內熱

也腸鳴者泄也坐卧不寧者心煩也啼叫不止
者痛也搖頭者風也指欬搔者痒也嚥物難者
咽痛也咬牙者心肝熱也若悶亂躁擾譫妄昏
眩如見鬼狀搖頭扭項手舞足擲目睛上視寒
戰咬牙語音不出皆為死候如病向靜忽然擾
動者異也須細察之痘色變而無他候者戾氣
觸之也痘色不變又無他症此必有因但俟自
定其有目瞑息微四肢僵直口噤痘壞昏睡不
省者此真氣將脫魂魄欬離之兆又不可作靜

看也

稀痘仙方

牛黃錢一蟾酥分三辰砂分七絲瓜蒂近蒂取五寸燒存性五錢

為末每一歲服一分砂糖湯調下

兔紅丸

服此可免出痘

辰砂 甘草 六安茶 各等分臈八日午時

取生兔子血為丸梧桐子大逢三六九與兒

食之

鼠肉方

取雄鼠肥大者去皮毛腸穢用鹽醋爛煮與兒食之痘出稀少切不可使兒聞見亦不可對他言知但只可自設法取用不可用他人取討者恐防毒藥死的慎之或只用砂仁白水煮不用椒葱蒜韭并油煎等辛辣熱物若未食葷兒與食尤妙以屢試屢驗者

四脫丹

蟬退 蛇退 鳳凰退即哺出雞子壳神仙退即父母

右各等分焙為末每服一錢煉蜜為丸菜豆

大每年除夜服服三年永不出痘

玄兔丹

玄參

酒洗五兩

兔絲子

水淘淨酒煮研爛為末

右二味俱不

犯鐵器為末黑砂糖為丸彈子大每日與兒

服三丸沙糖湯下

葫芦花湯

八月採葫芦花不拘多少陰乾入除夜蒸籠湯

浴兒或不出痘縱出亦稀少

苦棟子湯

苦棟子不拘多少煎湯浴兒或痘瘡不出出亦

稀少

二花丹

將出之明用之能稀少

梅花 桃花 梨花 取已開未開盛開者陰

乾為末等分取兔腦為丸雄黃為衣用赤小

荳菜荳黑大荳三荳湯下

六味稀痘飲

將癸痘預服之

山查 紫草 牛旁 防風 荆芥

分甘草 分五 姜三片水煎服

各一錢 各一錢 二

輕斑散

治痘未見点時服之

絲瓜

近蒂三寸連皮燒存性為末 硃砂五分

二味和勻沙糖

調下痘出必稀多者少少者無

稀痘如神散

絲瓜

升麻

芍藥酒炒

甘草

山查

黑豆

赤荳

犀角磨用

各等分每服三錢水煎服不

拘時看大小加減

預服萬靈丹

初發熱一服即輕

百發百中

升麻

高根

三錢

甘草

三錢

芫草茸

一兩

姜蚕

洗連翹

白附子

炒各三錢

山荳根

五錢

全蝎

去毒

十枚雄黃

一錢半

射香

一錢

酥

一錢

好酒煮化

右十二味和拌為丸皂角子大每服一九紫

草湯下

發熱有數種

生生子曰凡痘疹發熱與傷寒傷風傷食驚風等

相似先當辨明傷寒之熱手足指微冷無汗惡

寒面色青慘不舒左面有青紋傷風熱手足

指微溫自汗惡風面赤而光二者皆太陽症俱

頭項痛腰脊強 傷合熱目胞腫右額有青紋
身熱而額腹最甚夜熱晝涼面色黃或吐利腹
痛 驚風熱面色青紅額正中有青紋手心有
汗時發驚悸 痘子之熱必顯四臟之症耳聾
冷中指冷尻冷面燥眼赤呵欠頓悶乍涼乍熱
多睡咳嗽噴嚏 利○夫發熱者瘡疹常
候也但熱微毒微熱甚毒甚微者勿藥甚者必
宜及早清解原痘無毒之險只在發熱之初調治
之早觀其熱重神昏即 以清解之劑投之或發

表或攻裏法存不違必 使一晝一夜表裏通和
熱退為佳蓋毒解則 始退熱退痘出自然稀
疎明朗若不早為 表裏則毒無出路雖小
毒穰成大毒迨及出 則順逆險已定順者幸
而無虞逆者無所措 矣古無順逆險之名稱
順逆險者自魏桂岩 也

初發熱三朝証治法

凡發熱疑似之間宜投八參敗毒散一劑發之是
與不是一發便見萬荷軒曰大抵痘疹只宜發

盡勿使留伏于中

凡用發表之劑務察天時不可固執只宜平和之說極為誤事設遇冬寒及春行冬令之候腠理緻密血氣凝滯痘必出遲遲則蘊熱熱不得汗毒莫能洩必多壅遏之變急宜辛熱之劑發之桂枝葛根湯或五積散去乾姜

如天時熱則腠理踈豁氣血淖澤防其發洩太急恐罹潰爛之變必以辛涼之劑解之宜升麻葛根湯雙解散之類如春秋天時溫和不寒

不熱只以人參敗毒散最佳

保嬰丹 熱甚者用之 效或就於前解散藥化

下一丸能令重者輕極者少以其極能解毒也

初發熱時飲食二便如常 精神清爽痘必稀少不

須藥

初發熱時渾身壯熱焮紅 然不渴清便自調與邪

鬱在肌膚之間宜輕涼之劑發之升麻葛根湯

甚者羌活湯

初發熱時其熱烙手目赤 鼻乾唇燥小便赤大便

秘煩悶不安以表裏俱熱毒氣壅遏宜發表通裏
裏雙解散主之

初發熱時表不甚熱煩躁不安口渴小便赤澁熱
在裏用紫草膏保嬰丹辰砂六一散犀角山豆
根之類清解之甚者三黃丸微利之

初發熱時腹中痛者以痘毒與穀氣相併急以麥
芽山查紫蘓枳實砂仁陳皮溫而消之若腹脹
硬痛大便秘者備急丸下之

初發熱時咳嗽鼻流清涕參蘆飲主之

初發熱大便秘結急宜開之恐熱毒內蓄宜紫草
飲必使大便通利為好

初發熱嘔吐者要明外感內傷外感者二陳加
紫胡藿香生姜枳壳和而解之內傷者二陳
加霍香砂仁麥芽山查枳實蘓梗白芷消之
胃弱而吐者六君子湯有毒氣上衝大吐不止
者辰砂六一散甚者加石膏芦根湯亦佳

初發熱作瀉腹中不痛而無內傷者以痘內動與
外邪搏激所致不必治瀉但以輕揚之劑升發

之痘出而瀉自止

初發熱自汗自吐自瀉者乃毒從上中下而出皆

為吉兆但只在三日內裏不可多日恐元氣虛

脫也

瀉有冷熱熱瀉者口渴小水少而身大熱四苓散

加木通若乾嘔加姜炒黃連或六一散冷瀉

口不渴小水清重者理中湯輕者參苓白朮散

久瀉者豆寇丸

初發熱二三日間有驚搖者導赤散羌活湯辰砂

散○大便秘者三黃丸微利之小便赤澀者

導赤散渴甚者葛根解毒湯腹中痛者桂

枝大黃湯腰痛者人參敗毒散自利者黃

芩湯吐利者黃芩加半夏湯如脾胃素弱

自利清白者理中湯丸或四君子湯豆蔻丸合

而服之

丸發熱及初見標時須問咽喉疼否但有微疼急

清解之甘桔湯加牛旁子大抵痘要解咽喉

為急務不早防以致失聲乾嘔水穀不入搶喉

嘔吐治無及矣

管氏曰發熱之初痘之吉凶皆兆於此故急宜表汗使臟腑胎毒及感不正之氣盡從汗散則痘出自然稀少蓋熱甚毒甚熱微毒微不必治妄汗則表氣一虛痘不能起發反為害也盛者汗之要在身熱盡退為佳其有一切雜症皆由毒氣欲出不能故耳一表散則毒氣盡洩諸症自退矣或有當解者解之當下者下之切不可執一也胡氏曰表熱壅盛非微汗則表不解裏熱壅盛非微利則裏不解正此之謂耳夫此不治則毒氣漸盛而逆症隨見世人多忽於此及見逆症而後治之將何及哉

大抵治痘之訣妙在三法曰發表曰和中曰解毒知此三者於發熱見標之際預為之地則多可少重可輕自無以後變症故發表最先蓋痘疹只要發得毒盡不使留伏于內凡發表必兼解毒非發表之外另行解毒也痘既已出不渴不熱表裏無邪不須服藥如痘多毒盛裏實能食

者一用解毒如裏氣不和或吐或利於和中
法內參無解毒若毒輕痘少惟裏不和胃氣虛
者一用和中則不必解毒也每發表須辛甘清
陽之劑如防風升麻白芷桂枝之類和中須
甘溫之品如人參當歸甘草芍藥之俦蓋中不
足甘以補之解毒須苦寒之輩如牛旁連翹葛
根芩連梔柏紫草之類蓋毒者火也凡用苦寒
之劑必要酒炒可以活血達表且不犯胃氣切
宜識之



